



## Qallunaatuumiit kalaallisuunngortitaq

---

Att:

*Inuussutissarsiornermut, Niuernermut, Aatsitassanut  
Inatsiseqarnermut Naligiissitaanermullu  
Naalakkersuisoqarfik*

*mlsa@nanoq.gl*

## Kuultisiorfiup Nalunap Inuiaqatigiinnut sunniutissanik nalunaarusiap tusarniutigineqarnera

Avatangiisinut Sunniutissanik Nalunaarusiamut Air Greenland oqaaseqaatissaqanngilaq.

Inuiaqatigiinnut Sunniutissanik Nalunaarusiaq pillugu Air Greenland makkuninnga oqaaseqaatissaqarpoq:

Kuultisiorfiup Nalunap Inuiaqatigiinnut Sunniutissaanik Nalunaarusiami 28. december 2023-imeersumi Air Greenland quleriarluni taaneqartarpoq, annermik qulequttani ukunani:

1. Suliffeqarfinnik Kalaallit Nunaanneersunik atuineq
2. Attaveqaasersuutit tamanit atukkat sullissinerillu tatineqarneri
3. Silaannakkut angallanneq assartuinerlu

### 1. Suliffeqarfinnik Kalaallit Nunaanneersunik atuineq

Suliffeqarfinnik Kalaallit Nunaanneersunik atuineq kiisalu attaveqaasersuutit tamanit atukkat tatineqarnerat eqqarsaatigalugu Air Greenlandip qanimut oqaloqatigineqartarnissaata pingaassusia eqqaaneqarpoq. Ajutoorfiusinnaasutut ataatsimut isigalugu oqaatigineqarpoq suliffeqarfiit Kalaallit Nunaanneersut sulianik tunniussaqaarsinnaanissamut aningaasaliinissamut pisinnaasaat amigaratarsinnaammata, kiisalu nunat tamalaat akornanni suliffeqarfinnut unammillersinnaanngerartarsinnaammata.



Oqaloqatigiinnissaq eqqarsaatigalugu Air Greenland tamatumunnga tikilluaqqusivoq. Matuma kinguliani oqaloqatigiinnerup taama ittut marluinnut avinneqartariaqarnera erseqqissarneqassaaq:

- a) Nalinginnaasumik ilaasunik angallassineq, aamma ilaasunik angallassineq pillugu isumaqatigiissuteqarluni kiffartuussineq
- b) Niuernermik tunngaveqarluni silaannakkut sullissinerit allat

Ajutoorfusinnaasut eqqarsaatigalugit Air Greenlandip erseqqissassavaa suliffeqarfissuaq Air Greenland aktiaateqarluni ingerlatseqatigiiffummat piginnaasanik tunngaveqarluni ingerlataasoq danskit kalaallillu suliffeqarfinnut inatsisaasa ataanniittoq. Air Greenland 2019-imiit 1 mia. DKK annermik timmisartuutigisanut aningaasaliisimavoq, taakkunanngalu aningaasalersuinerit nunat tamalaat akornanni taarsigassarsisarfitsigut pissarsiarineqarsimallutik. Taamaammat Air Greenland Kalaallit Nunaanni silaannakkut angallassinert suugaluit tunniussinnaallugit misigivoq, kiisalu niuernikkut tunngavissaqassappat sullissisinnaassutsip qaffassarnissaannut aningaasaliisinnaassuseqartutut misigaluni.

## **2. Attaveqaasersuutit tamanit atukkat tatineqarnerat, soorlu Assartuisarnerup aqqqissugaanera (imm. 12)**

Kujataani silaannakkut angallassinertup tatisimaneqarnera eqqarsaatigalugu, pingaartumik Narsarsuarmiit, Qaqortumiit Nanortalimmiillu, Air Greenland tamaani angallassisinnaassuserminik qaffaasinnaasutut misigaaq Kuultisiorfik Nalunaq angallannerup annertusineranik nassataqassagaluarpat taamalu massakkut angallassinert annertusinnissaannut niuernikkut tunngavissaqalissagaluarpat.

Inuiaqatigiinnut Sunniutissanik Nalunaarusiami taaneqartutut Kujataani angallassineq pillugu 2030-p tungaanut Air Greenland kiisalu Naalakkersuisut kiffartuussineq pillugu isumaqatigiissusiorsimapput. Taamaammat silaannakkut angallassisinnaassutsip annertusineqarnissaanik oqaloqatigiinnerit Air Greenland kiisalu Nalunaq A/S-ip, imaluunniit taassuminnga piginnittut sinniisuisa akornanni annermik pisariaqarput. Tamatumani isiginiartariaqarpoq Air Greenland Kujataani kiffartuussinermik neqerooruteqartuusutut angallassisinnaassutsikkut killissanik, niuernikkut soqutigisanik allanik ilisimasaqarmat, kiisalu angallassinermik pisariaqartitsisoqarnerulissappat periarfissanik ilisimasaqarmat tamatumuunakkut kiffartuussinissamik isumaqatigiissutikkut inuiaqatigiinnut pisussaaffiit naleqqutinngitsumik eqqorneqaaqqunagit.

Air Greenlandittaaq maluginiarpaa immikkoortoq 12.1-mi Silaannakkut angallassinermut tunngasumi timmisartoqarfinnik allilerinerit nutarterutigineqarsimangimmata. Taamaammat Nanortalimmi suluusalinnut mittarfik, Nuummi Ilulissanilu mittarfiit naammassineqarneri, kiisalu Qaqortumi mittarfiorneq eqqortumik oqaatigineqanngillat.

Inuiaqatigiinnut Sunniutissanik Nalunaarusiaq 28. december 2023 ulluligaavoq, taamaattorli Qaqortumi mittarfiornerup killiffianik tamanut tusagassiorfitsigut 12. oktober 2023 nalunaaruteqartoqareersimagaluarpoq (<https://sermitsiaq.ag/kair-landet-aale-luhavnsbyggeriet-i-qaqortoq>).

## **3. Silaannakkut angallanneq assartuinerillu**

a) *Ilaasunik angallassineq, aamma ilaasunik angallassinermi isumaqatigiissuteqarluni kiffartuussineq*



Siuliani allassimasutut Kujataani ilaasunik angallassinermi kiffartuussinermik Air Greenland neqerooruteqartuulluni Nalunaq A/S-ip suliaasa angallassinermut sunniutaanik oqaloqatiginninissamat soqutiginnittut qaninersarissavaat. Tusarniaanermut akissutip tunniunneqarnerata nalaani oqaloqatigiinnerit taama ittut suli aallartinneqarsimangillat. Air Greenlandip Nalunaq A/S-mit aamma / imaluunniit taassuma piginnittaaniit kiisalu suleqataanit ataani atsiortoq aqqutigalugu sumilluunniit saaffigineqarnissaminut qilanaarpoq.

*b) Silaannakkut sullissinerit allat*

Ilaasunik nalinginnaasumik angallassinerep saniatigut silaannakkut angallassinereit allat tamarmik pineqarput, qulimiguullit atorlugit angallassinereit annermik misissuisarnerni, misissueqqissaarnerni, mittarfiit oqartussanit akuerisat avataatigut ilaasunik angallassinermi ingerlanneqartartut.

Mittarfiit oqartussanit akuerisat avataatigut qulimiguullit atorlugit angalanerni, Immikkut ittunik Ingerlatsinernik taaneqartuni (SPO), tak. EASA (European Union Aviation Safety Agency), piumasaqaatit minnerpaaffissaat qaffasissuunerat isiginiartariaqarpoq, tassami Kujataani peqqissutsikkut sullissinermi, aammalu Kalaallit Nunaanni tamarmi, pinngortitaq killiliisuusarmat.

Kalaallit Nunaanni silaannakkut angallassinermi suliassanngortitsisarnerni sulinerlut qasuersaartarnissamullu aalajangersakkat, kiisalu silaannakkut isumannaallisaanermut piumasaqaatit minnerpaaffissaannik erseqqissumik aalajangiisoqartarnissaa Air Greenlandip nalinginnaasumik kajumissaarutigisarpaa. Silaannakkut angallassisartunut piumasaqaatit minnerpaaffissaat timmisartuussisarneq pillugu nunat tamalaat piumasaqaataannik akuerisaasunik tunngaveqarluni aalajangerneqartariaqarput, soorlu Basic Aviation Risk Standard (BARS), nunani tamalaani aatsitassanik misissueqqissaartartut qalluisullu annerujartortumik kissaataattut, naak taakku Kalaallit Nunaanni suli inatsisitigut piumasaqaataangikkaluartut.

Timmisartuussinerit allat, soorlu nunap iluani aamma / imaluunniit nunanut allanut angalanarluni suluusalinnik attartornerit, assartuinerit, assartugassalerineq kiisalu angalatitseqatigiiffittut sullissineq, ilaatigut Air Greenlandip suliffeqarfissuanit neqeroorutigineqartarput. Kalaallit Nunaanniit neqeroortussanik nassaarniartoqartillugu Kuultisiorfiup Nalunap angissusia eqqarsaatigalugu sullissinerit neqeroortitsissutigineqartariaqarput, suliassanillu tunniussinermi najoqqutassat illuinnaasiunngitsut – pingaartumik akit, pitsaassuseq kiisalu najukkami aallaaveqarneq / piginnittoqarneq ilaasariaqarlutik.

*Nuuk, 01. marts 2024*

*Mikkel Krogh Søndergård  
Charterchef Air  
Greenland  
mks@airgreenland.gl*